

2月4日,北京冬奥会开幕。当天时逢立春,开幕式倒计时以二十四节气作为设计灵感,凸显中华传统文化令人震撼之美。其中引用了多句经典古诗词阐述节气的意境。它们的具体出处,你知道吗?开幕式倒计时短片中,有的引用了民间俗语或古代文献,如“春雷响,万物长”(惊蛰),更多的则是经典的古诗词,在此,编者整理了部分诗词,以飨读者。

冬奥会开幕式上的古诗词

惊蛰

春雷响,万物长。
(民间俗语)

清明

清明
唐 杜牧

清明时节雨纷纷,
路上行人欲断魂。
借问酒家何处有?
牧童遥指杏花村。

立夏

遵生八笺
明 高濂

孟夏之月,
天地始交,万物并秀。

小暑

夏日南亭怀辛大
唐 孟浩然

山光忽西落,
池月渐东上。
散发乘夕凉,
开轩卧闲敞。
荷风送香气,
竹露滴清响。
欲取鸣琴弹,
恨无知音赏。
感此怀故人,
中宵劳梦想。

大暑

咏廿四气诗
大暑六月中
唐 元稹

大暑三秋近,
林钟九夏移。
桂轮开子夜,
萤火照空时。
菰果邀儒客,
菰蒲长墨池。
绛纱浑卷上,
经史待风吹。

小满

月令七十二候集解

小满者,
物至于此小得盈满。


(文中图片来源于人民日报
微博、央视新闻)



春分

春风

春风如贵客,一到便繁华。
来扫千山雪,归留万国花。
清 袁枚



雨水



春夜喜雨



唐 杜甫

好雨知时节,当春乃发生。随风潜入夜,润物细无声。
野径云俱黑,江船火独明。晓看红湿处,花重锦官城。



谷雨

见二十弟倡和花字漫兴五首其一
宋 黄庭坚

落絮游丝三月候,风吹雨洗一城花。
未知东郭清明酒,何似西窗谷雨茶。



芒种

时雨

宋 陆游

时雨及芒种,四野皆插秧。家家麦饭美,处处菱歌长。
老我成惰农,永日付竹床。衰发短不栉,爱此一雨凉。
庭木集奇声,架藤发幽香。莺衣湿不去,劝我持一觞。
即今幸无事,际海皆农桑。野老固不穷,击壤歌虞唐。



处暑

悯农

唐 李绅

春种一粒粟,秋收万颗子。
四海无闲田,农夫犹饿死。



立秋

秋夕

唐 杜牧

银烛秋光冷画屏,轻罗小扇扑流萤。
天阶夜色凉如水,坐看牵牛织女星。



白露

月夜忆舍弟

唐 杜甫

戍鼓断人行,边秋一雁声。
露从今夜白,月是故乡明。
有弟皆分散,无家问死生。
寄书长不达,况乃未休兵。



夏至

避暑北池

唐 韦应物

昼晷已云极,宵漏自此长。未及施政教,所忧变炎凉。
公门日多暇,是月农稍忙。高居念田里,苦热安可当。
亭午息群物,独游爱方塘。门闭阴寂寂,城高树苍苍。
绿筠尚含粉,圆荷始散芳。于焉洒烦抱,可以对华觞。